

关于八月十五的古诗

1.
陇城秋月满，太守待停歌。与鹤来松杪，开烟出海波。气笼星欲尽，光满露初多。若遣山僧说，高明不可过。——无可《中秋夜陇州徐常侍座中咏月》

2.
海雨洗烟埃，月从空碧来。水光笼草树，练影挂楼台。皓耀迷鲸口，晶荧失蚌胎。宵分凭栏望，应合见蓬莱。——无可《中秋台看月》

3.
尘里兼尘外，咸期此夕明。一年惟一度，长恐有云生。露洗微埃尽，光濡是物清。朗吟看正好，惆怅又西倾。——刘得仁《中秋》

4.
海月出白浪，湖光射高楼。朗吟无绿酒，贱价买清秋。气冷鱼龙寂，轮高星汉幽。他乡此夜客，对酌经多愁。——无可《中秋夜南楼寄友人》

5.
风帘淅淅漏灯痕，一半秋光此夕分。天为素娥孀怨苦，并教西北起浮云。——罗隐《中秋不见月》

6.
高秋今夜月，皓色正苍苍。远水澄如练，孤鸿迥带霜。旅人方积思，繁宿稍沉光。朱槛叨陪赏，尤宜清漏长。——张正一《和武相公中秋锦楼玩月得苍字》

7.
阴云薄暮上空虚，此夕清光已破除。只恐异时开霁后，玉轮依旧养蟾蜍

。——罗隐《中秋夜不见月》

8.
大堤花里锦江前，诗酒同游四十年。不料中秋最明夜，洞庭湖上见当天。
。——李涉《中秋夜君山台望月》

9.
趋驰早晚休，一岁又残秋。若只如今日，何难至白头。沧波归处远，旅食尚边愁。赖见前贤说，穷通不自由。——项斯《中秋夜怀》

10.
秋来一度满，重见色难齐。独坐犹过午，同吟不到西。疏芒唯斗在，残白合河迷。更忆前年望，孤舟泊大溪。——陆龟蒙《中秋夜寄友生》

11.
月月势皆圆，中秋朗最偏。万方期一夕，到晓是经年。影蔽星芒尽，光分物状全。惟应苦吟者，目断向遥天。——许棠《中秋夜对月》

12.
莫惜三更坐，难销万里情。同看一片月，俱在广州城。泪逐金波满，魂随夜鹊惊。支颐乡思断，无语到鸡鸣。——无可《中秋江驿示韦益》

13.
强饭日逾瘦，狭衣秋已寒。儿童漫相忆，行路岂知难。露气入茅屋，溪声喧石滩。山中夜来月，到晓不曾看。——元好问《倪庄中秋》

14.
海静天高景气殊，鲸睛失彩蚌潜珠。不知今夜越台上，望见瀛洲方丈无。
。——李群玉《中秋寄南海梁侍御》

15.
未卜三生愿，频添一段愁。闷来时敛额，行去几回头。自顾风前影，谁堪月下俦？蟾光如有意，先上玉人楼。——曹雪芹《中秋对月有怀》

16.

素娥醉语曾留。又中秋。待得重圆谁妒、两悠悠。向愁早，今愁水，没中洲。看取明朝晴去、不须愁。——刘辰翁《乌夜啼》

17.

寂寂山景静，幽人归去迟。横琴当月下，压酒及花时。冷露湿茆屋，暗泉冲竹篱。西峰采药伴，此夕恨无期。——张籍《山中秋夜》

18.

抱琴出南楼，气爽浮云灭。松风吹天箫，竹路踏碎月。后山鹤唳定，前浦荷香发。境寂良夜深，了与人间别。——李群玉《山中秋夕》

19.

前月月明夜，美人同远光。清尘一以间，今夕坐相忘。风落芙蓉露，疑馀绣被香。——鲍防《秋暮忆中秋夜与王璠侍御赏月，因怆远离聊以奉寄》

20.

玉露中秋夜，金波碧落开。鹊惊初泛滥，鸿思共裴回。远月清光遍，高空爽气来。此时陪永望，更得上燕台。——徐放《奉和武相公中秋锦楼玩月得来字》

21.

秋分一夜停，阴魄最晶荧。好是生沧海，徐看历杳冥。层空疑洗色，万怪想潜形。他夕无相类，晨鸡不可听。——李频《中秋对月》

22.

海雨洗尘埃，月从空碧来。水光笼草树，练影挂楼台。皓曜迷鲸目，晶荧失蚌胎。宵分凭槛望，应合见蓬莱。——李群玉《中秋越台看月》

23.

年重月，月重光。万瓦千林白似霜。扁舟入醉乡。山苍苍。水茫茫。严濑当时不是狂。高风引兴长。——向子諲《长相思》

24.

把酒冰壶接胜游，今年喜不负中秋。故人心似中秋月，肯为狂夫照白头。
。——戴复古《中秋李漕冰壶燕集》

25.

无云世界秋三五，共看蟾盘上海涯。直到天头天尽处，不曾私照一人家。
。——曹松《中秋对月》

26.

两城相对峙，一水向东流。今夜素娥月，何年黄鹤楼。悠悠兰棹晚，渺渺荻花秋。无奈柔肠断，关山总是愁。——刘淑柔《中秋夜泊武昌》

27.

目穷淮海满如银，万道虹光育蚌珍。天上若无修月户，桂枝撑损向西轮。
。——米芾《中秋登楼望月》

28.

八月更漏长，愁人起常早。闭门寂无事，满院生秋草。昨宵西窗梦，梦入荆南道。远客归去来，在家贫亦好。——戎昱《长安秋夕》

29.

清香闻晓莲，水国雨馀天。天气正得所，客心刚悄然。乱兵何日息，故老几人全。此际难消遣，从来未学禅。——郑谷《中秋》

30.

雨余风露凄然。月流天。还是年时今夜、照关山。收别泪。持杯起。问婵娟。问我扁舟流荡、几时还。——赵鼎《乌夜啼》

31.

谁家横笛弄轻清，唤起离人枕上情。自是断肠听不得，非干吹出断肠声。
。——朱淑真《笛/中秋闻笛》

本文链接：<https://duanjuziku.com/duanjuzi/5omq5g2dps.html>